

Den fyrste song

Per Sivle / Lars Sjøraas d.e.



Den fyrste song eg høyra fekk
var mor sin song ved vogga,
dei mjuke ord til hjarta gjekk,
dei kunne gråten stogga.

Dei sulla meg så uneleg,
Så stilt og mjukt te sova,
Dei synte meg en fager veg
Opp fra vår vesle stova.

Den vegen ser eg enno tidt
Når eg fer augo kvila,
Der stend ein engel, smiler blidt,
Som berre ei kan smila.

Og når eg sliten trøytner av
i strid mot alt som veilar,
Eg høyrer stilt frå mor si grav
Den song som allting heilar.